

# Primera Carta de San Pablo a los TESALONICENSES

## Saludo

**1** <sup>1</sup>Yũ, Pablo cawāmecucũ, Silvano, bairi Timoteo menarē mujāā yu woajoya ati cartare mujāā ñubueri majā, jāā bairārē bairo caāna Tesalónica macā macāānarē. Tunu bairoa mujāā, marī Pacu Dios, bairi marī Quetiupau Jesucristo mena jīcārōrē bairo caātiānarē mujāā woajou yu átiya. Bairi marī Pacu Dios nipetiro mujāārē caroare cū jonemoáto. Tunu bairoa yerijōrō ānajē cūārē mujāā cū jonemoáto.

## El ejemplo de fe que daban los de Tesalónica

<sup>2</sup>Bairi tunu tocānacānia, “Dios, jāā mena mu ñujāñuña,” jāā ĩnucūña, caroaro mujāā caātiānie quetire tūgori. Bairo tūgori, butioro Diopure mujāārē jāā jēnibojanucūña. <sup>3</sup>Jicā rūmu rusaricarō mano tocānacānia marī Pacu Dios cū cañajoropu mujāārē jāā tūgoñanucūña, cū mena caroaro tūgoñatutuari jīcārō tūni mujāā caātiānie jūgori. Tunu bairoa caroaro āmeo mairīqūē mena camasārē na mujāā juātiāninucūña. Tunu marī Quetiupau Jesucristo marī cū canetōdopeere tūgoñarī roro popiye tāmnonucūmirācūā, caroaro jīcārō

tūni cū yaye quetire mujāā tūgousacōā ninucūña.

<sup>4</sup>Yu yarā, Dios mujāārē ĩnamaiñami. Bairo mujāārē ĩnamairī, mujāā cūārē mujāā beseyupi, cū yarā mujāā caāniparore bairo ĩ. Tere jāā cūā merē caroaro jāā masīña. <sup>5</sup>Mai, jāā puame mujāārē Dios yaye caroa queti camasārē cū canetōōrīqūē quetire jāā quetibujuwu. Bairo mujāārē tie quetire quetibujurā, jāā risero mena jeto mee jāā quetibujuwu. Espiritu Santo cū catutuarije mena cūārē áti ĩnorī mujāārē jāā quetibujuwu. Tunu bairoa jāā caquetibujurije macāājē queti, “Caroa queti cariape macāājē niña,” mujāā caiparore bairo ĩrā, caroaro cariape jīcārō tūni mujāārē jāā quetibuju masīōwū. Bairo mujāā tūpu quetibuju āna, caroaro nūcūbugorique mena jāā átiāmũ, caroaro mujāā caātiānipeere bori. Tere merē caroaro mujāā masirā.

<sup>6</sup>Bairi mujāā puame cūā jāā caātiānajērē ĩnacōrī caroaro mujāā átiāninucūña. Tunu torea bairo marī Quetiupau cūārē ĩnacōrī caroaro jīcārō tūni mujāā átiāninucūña. Bairi tunu Espiritu Santo mujāā yeripu useanirīqūē mena mujāā tūgousao joroque cū caáto jūgori popiye tāmnomirācūā, caroaro

mujãã tũgousawu Dios yaye caroa quetire. <sup>7</sup>Tore bairo mujãã caatiãnierẽ nipetiro Macedonia, bairi Acaya yepaa macããna catũgousari majã cũã mujããrẽ na ñnacõõ joroque caroaro mujãã átiãmu. <sup>8</sup>Mujãã caquetibũjuro jũgori marĩ Quetiupau yaye queti nipetiropu jesapetiro baiya. Macedonia, bairi Acaya yepaa jeto meerẽ etaro baiya. Tocãnacãpauã etajesapetiro baiya Dios yaye queti yua. Tunu bairoa nipetiropu macããna camasã Dios mena mujãã catũgoñatutuãnie cũãrẽ masiãna. Bairi jãã puame dise ñnie caroaro mujãã caatiãnierẽ aperã camasãrẽ jãã quetibũjũnemoeinucũña, nipetiro mujãã caatiãnierẽ na camasãrõ jũgori yua. <sup>9</sup>Na puame roque jããrẽ quetibũjũnucũñama mujããrẽ jãã caĩnarãetaro caroaro jããrẽ mujãã caãtajere. Tunu bairoa wericarã mujãã caĩroanucũrãrẽ jãnarĩ, cacati cariape caãcũ Dios puamerẽ mujãã catũgousajũgoriquere jãã quetibũjũnucũñama. Bairo cãrẽ tũgousari bero yua, cũ caborore bairo jeto átiri cũ jetore cũ mujãã caatiãnijũgorotinuãrẽ cũãrẽ jãã quetibũjũnucũñama. <sup>10</sup>Tunu bairoa Dios macũ Jesús umurecõõpu caãtãcu tunu ati yepau cũ catunuatĩpeere nocãrõ caroaro mena mujãã cacoterije cũãrẽ jãã quetibũjũnucũñama. Cũ, Jesucristorea cariacoatãcũ cũ caãniãiatãcũãrẽ, cũ catiõyupi Dios tunu. Bairi Jesús puame roque roro popiye netõrõ marĩ catãmuõbujiopeere marĩ netõmasiõ joroque ásupi.

#### El trabajo de Pablo en Tesalónica

**2** <sup>1</sup>Yu yarã, mujãã majũpua merẽ mujãã masiãna atiere: Mujããrẽ jãã caĩñañesẽãrĩqũẽ cabũgoro majũã ãmewũ. <sup>2</sup>Bairo cabaimiatãcũãrẽ, Filipo macããna jãã ñroetiri tutuaro

mena roro jãã átiepewã. Tere merẽ mujãã masiãna. Bairo jããrẽ roro na caãtiepemiãtacũãrẽ, Dios puame jããrẽ cũ cajuãto jũgori cũ yaye queti camasãrẽ cũ canetõõrĩqũẽrẽ mujããrẽ jãã quetibũjũwu. Tunu bairoa popiye tãmuõmirãcũã, Dios cũ cajuãto jũgori tũgoñatutuãrique mena mujããrẽ jãã quetibũjũwu Dios yaye quetire. <sup>3</sup>Mai, jãã puame Dios yaye quetire cabũgoro quetibũjũnucũrã mee jãã ápu. Tunu bairoa roro jãã caãtigarije jũgori noa ñna camasãrẽ ñtorã mee tore bairo jãã quetibũjũwu. <sup>4</sup>Bairo puame roque ámi Dios: Jããrẽ ñnamairĩ jãã bese yaparori bero, cũ yaye queti camasãrẽ cũ canetõõrĩqũẽ quetire jãã quetibũjũ rotijowĩ camasãrẽ. Bairi jãã puame tie quetire mujããrẽ jãã quetibũjũnucũña. Bairo jãã caquetibũjũrijere camasã na ññajesoãto ñrã mee, tore bairo jãã quetibũjũnucũña. Dios, jãã yeri nipetirore caĩñabesemasĩ puame roque qũĩñajeso joroque ñrã, tore bairo jãã quetibũjũnucũña. <sup>5</sup>Merẽ mujãã masiãrã: Di rũmu ñno daqueoriaca mujããrẽ jãã busũerũ. Tunu bairoa jãã cadinero wapatapeere tũgoñarĩ mujããrẽ jãã quetibũjũerũ. Dios cũã torea bairo cariape masiãnami. <sup>6</sup>Tunu bairoa di rũmu ñno aperã camasã jããrẽ caroaro netõrõ jãã na caãtiroapee ñnierẽ jãã macãẽpũ. Mujãã cũãrẽ tore bairo jãã mujãã caãtipeere jãã macãẽpũ.

<sup>7</sup>Jãã puame Jesucristo cũ cajoricarã apõstolea\* majã añirĩ, tore bairo mujããrẽ tutuaro mena caãtirotimasĩparã majũ nimirãcũã, tore bairo jãã átirotiepu. Cawĩmarã na cabairore bairo puame roque mujãã watoare jãã baiñesẽãwũ. Jicãõ carõmio cõ pũnaarẽ cabutio caroaro cõ pũnaarẽ na ññanũjũjeri na qũẽnonucũñamo. <sup>8</sup>Torea bairo jãã cũã mujããrẽ butioro caĩñamairã añirĩ Dios yaye quetire

caroaro mujääärē jāā quetibujuwu. iO ape watoara nocārō majū mujääärē mairī, mujääärē cariabojagarārē bairo majū jāā āni tūgoñanucūwū! <sup>9</sup>Yu yarā, mujääā masīrā: Popiye tāmūomirācūā, jāārē carusarijere bóccagarā, tutuaro mena jāā paanucūwū. Tocānacā rūmū, ñami, umurecōo jāā paanucūwū. Topu Dios yaye caroa quetire quetibuju āna, ni jīcāū ūcū mujääā mena macāācūrē apeye ūnierē cū jēni patowācōgaena, tore bairo butioro jāā paāninucūwū.

<sup>10</sup>Merē tiere mujääā cūā mujääā īñawū. Torea bairo Dios cūā ī masīñami caroaro jīcārō tūni jāā caātīāñajērē camasī ānirī. Tunu bairoa mujääā ñubueri majā mena īñatutiricarō mano caroaro cariape jāā átīāninucūwū. <sup>11-12</sup>Tunu bairoa mujääā masīña: Mujääā yeripu Dios mena mujääā tūgoñanemomasīō joroque īrā, caroaro tocānacāpūrea mujääärē jāā juātīnemonucūwū. Capacu cū pūnaarē caroaro na daqueori cū cabeyomasīrōrēā bairo caroaro cariape mujääärē jāā juātīnemonucūwū. Tunu bairoa Dios yarā caroaro jīcārō tūni na caātīāninucūrōrē bairo caroaro mujääärē jāā átīāniroticūwū. Tore bairo mujääärē jāā átīroticūwū mujääā, Dios cū cabesericarā, cū carotimasīrīpauwu nocārō cū catutuarijere cañāparā majū mujääā caānoi.

<sup>13</sup>Bairi butioro Diopure mujääärē jāā jēnibojanucūña. “Mū ñujāñuña jāā mena,” cū jāā ī jēninucūña tocānacā rūmū. Mujääā puame mai Dios yaye caroa quetire jāā caquetibujuro tūgori, caroaro jīcārō tūni mujääā tūgousawu. “Camasā yaye queti mee, Dios yaye queti majū roque ñiña,” īrī cariape mujääā tūgousajūgowu. Bairi cariapea Dios yaye queti majūā ñiña tie mujääärē jāā caquetibujunucūrījē. Bairo mujääā tiere catūgousaricarā puamerē tie

caroa queti jūgori caroaro āñajēsna majū mujääā tuo joroque mujääā átīya. <sup>14</sup>Yu yarā, tiere mujääā cañroaro jūgori mujääā cūā roro popiye mujääā tāmūo joroque mujääā áma mujääā ya yepa macāāna. Mujääā cabairicarorea bairo roro popiye tāmūowā Dios ya poa macāāna Jesús yarā Judea yeparu caāna cūā. Na cūārē na ya yepa macāāna judío majā roro na átīepewā. <sup>15</sup>Na, judío majāna ñiñama marī Quetiupau Jesure capajīārīcārā. Torea bairo na pajīārenucūñupā profeta\* majā ānana cūārē. Bairo caātana ānirī jāā cūārē jāā acurewiyowā. Bairo caāna ānirī nipetiro camasā marī ūnarē boetīnucūñama. <sup>16</sup>Jāā puame, judío majā caāmerā cūā na canetōmasīpeere borā, Dios yaye quetire jāā caquetibujugamiatacūārē, jāā quetibuju rotietīnucūñama. Tore bairo na caātīrotietie jūgori nocārō pairo ñiña na yaye wapa puame. Bairi āme majū tie wapa roro popiye na tāmūo joroque cū caātīpa rūmū cōñarō majū baiya yua.

#### Pablo desea visitar otra vez a los de Tesalónica

<sup>17</sup>Yu yarā, mujääärē jīcā yutea cārō jāā caāweyoricarō bero, mujääärē īñāetīmirācūā, tocānacānia jāā yeripu jāā tūgoña āninucūña. Bairo mujääärē tūgoñarī butioro jāā īñarāganucūña tunu. <sup>18</sup>Bairi mujääā ture jāā ágatūgoñaña bairāpua. Bairua, yu, Pablo puame, “Capee majū mujääärē ñiña ñēsēānucūgu,” mujääā ñimiwū. Bairo yu caātīgamiatacūārē, wātī puame tore bairo yu átīmasīētīō joroque yu átīnucūñami. <sup>19</sup>Bairi, ¿noa puame mena tūgoña useanirī cariape jāā tūgoñatutuabujocuti? ¿Noa mena jūgori jāā yeripu jīcārō tūni jāā catūgoña useanirījē to

ānipetibujocuti? iMujāā mena roque tore bairo jāā baimasiña, marī Quetiupau Jesucristo nemo ati yepapu cū catunuatī rūmu caāno yua! <sup>20</sup>Mujāā, mujāā āniña jīcārō tūni jāā yeripu jāā tūgoña useanio joroque caāna majū.

**3** <sup>1</sup>Bairo nucā jīātiētimiácú yua, “Jīcāūā ato Atenas macāpua yu tuacōāgu,” niwū yu baparārē. <sup>2</sup>Bairo īrī yua, marī yau Timoteore mujāā tūpu cū yu jowu. Cū puame Jesucristo yaye caroa queti macāājērē Dios cū caquetibujurotirore bairo jāā mena cajuquetibujunemonucūū majū niñami. Bairi mujāārē qūīñau áparo ī, cū yu jowu mujāā tūpu. Tunu bairoa mujāārē nemojāñurō Dios mena mujāā tūgoñatutuanemo joroque cū áparo ī, cū yu jowu. Dios mena mujāā catūgoñatutuarije mena nemojāñurō mujāā yeri ñunemo joroque cū áparo ī, mujāātū cū yu jowu. <sup>3</sup>Bairo mujāārē juácure bairo cū caáto yua, ni ūcū mujāā mena macāācū popiye baimicūā, cū cayapapuaetiparore bairo īrā, cūrē mujāārē jāā īñarotijowu. Merē mujāā masīna atie popiye marī catāmuonucūrījērē. <sup>4</sup>Tunu apeyera, mai mujāā mena ānapu roro popiye tāmuorī mujāā cayapapuaepeere mujāārē jāā quetibujūwu. Bairo mujāārē jāā caīquetibujuricarorea bairo, cabero roro mujāā tāmuoñupā. Merē tiere mujāā masīna. <sup>5</sup>Bairo cabairijere nucāētīmiácú, dope bairo carīapea Dios mena mujāā catūgoñatutuānierē masīgu, cū yu jēñīnarotijowu Timoteore. Mai, yu puame, “Wātī narē carorije macāājē puamerē na átinemo joroque átibujoumi,” ī tūgoña uwiri, cū yu jowu. Tunu bairoa jīcārō tūni caroaro mujāā caātiāmerīcōāta, jāā paarique cabugoro macāājērē bairo tuabujioro ī tūgoñarī, cū yu jowu mujāā tūpūre.

<sup>6</sup>Bairo mujāātū Tesalónicaru yu cajoricu Timoteo āmerē atopu tunuetayami tunu. Bairo mujāā tūpu caetaatacu caroa majū jāā queti jeatīupi: Caroaro jīcārō tūni Dios mena tūgoñatutuari, caroaro mujāā caāmeomai āninucūrījē quetire jāā quetibujū etaami. Masiritiricarō mano caroaro mena jāā mujāā catūgoñacōānie cūārē jāā quetibujūetaami. Bairo jāārē camasiritiena ānirī nocārō butioro, mujāārē jāā cūā jāā caīñagarorea bairo mujāā cūā butioro jāārē mujāā caīñaganucūrījērē jāā quetibujūami Timoteo. <sup>7</sup>Bairo cabairo jūgori, yu yarā, nocārō popiye cabairā ānirī yapapuarique watoa nimirācūā, caroaro jīcārō tūni mujāā caātiānierē queti tūgori jāā yeri ñutūgoñaña āmerē. <sup>8</sup>Bairo marī Quetiupau mena tūgoñatutua jānaetiri caroaro mujāā caátie quetire tūgorā, yeri catīnemorārē bairo jāā tūgoñaña yua. <sup>9</sup>Bairi, ĩdope bairo puame, “Jāā mena mu ñumajūcōāña,” netōjāñurō mujāā jūgori Diore jāā caīpee to ānibujocuti? Tunu bairoa caroaro mujāā caātiānierē nocārō jāā useani tūgoñao joroque jāā mujāā caátie ĩnarī, ĩdope bairo puame netōjāñurō Diore jāā cajēnipee to ānibujocuti? Tore bairo ĩjīāti masīā mano. <sup>10</sup>Bairi jāā puame umurecōo, ñami Diore patowācōrārē bairo tocānacā rūmua cū jāā jēninucūña, mujāā tūpu jāā majūpua mujāārē cū caīñarotiparore bairo īrā. Tunu bairoa jīcārō tūni ñe ūnie rusaricarō mano Dios mena mujāā catūgoñatutuaepeere quetibujū masīōgarā, tore bairo cū jāā ī jēni āninucūña.

<sup>11</sup>Bairi marī Pacu Dios cūā marī Quetiupau Jesucristo mena mujāārē jāā caīñarápárorē bairo ī, cū cajuátīnemorō roque jāā boya.

<sup>12</sup>Tunu apeyera marí Quetiupau puame nemojáñurō mujāā yeripū cūrē masīnemorí tocānacāpua, mujāā āmeo maimasīō joroque cū áparo. Mujāārē jāā camainucūrōrēā bairo mujāā cūā aperā nipetirore na mujāā maimasīō joroque cū áparo. <sup>13</sup>Tunu bairoa caroaro jīcārō tūni mujāā yeripū mujāā tūgoñatutuo joroque cū áparo. Caroarā ñe ūnie cawapa cūgoena Dios cū cañajoro mujāā ānio joroque cū áparo marí Pacu Dios, marí Quetiupau Jesucristo nipetiro cū yarā ángelea\* mena ati yeparū cū tunuatí rūmurē yua. Bairoa to baiáto.

#### La vida que agrada a Dios

**4** <sup>1</sup>Yu yarā, apeyera marí Quetiupau Jesucristo cū carotiro jūgori atore bairo mujāārē jāā átirotiya: Marí Pacu Dios cū cañajesorije ūnierē mujāārē jāā caquetibujuricarorea bairo jīcārō tūni caroaro áticoā ninucūña. Merē torea bairo mujāā átianīña bairāpua.

<sup>2</sup>Merē mujāā masīña marí Quetiupau Jesucristo cū carotimasīrijē jūgori mujāārē jāā caátiroticūrīqūrē.

<sup>3</sup>Caroarā, cū cajericaworicarārē bairo caāna, cū yarā ñe ūnie carorije áperā mujāā caāno boyami Dios. Ati rupau mena roro átieperique ūnierē áperā, caroaro mujāā caāno boyami.

<sup>4</sup>Bairi canūmocucu, cū numo majū mena jeto nūcūbugorique mena, ñe ūnie wapacutato mano, caroa wāme cū caátianimasīō ñuña.

<sup>5</sup>Diore camasīēna na rupau caborore bairo, roro átaje mena na caátinucūrōrē bairo ápericōāña. <sup>6</sup>Tunu bairoa ni jīcāū ūcū apei numo ūcōrē itori, roro cū átiepeeticōāto. Tore bairo caátipairārē tutuaro mena roro na baio joroque átiyami marí Quetiupau. Tie nipetirijere merē mujāārē jāā quetibuju yaparowū. <sup>7</sup>Mai, Dios puame, “Roro

caátianā majū na āmarō,” ī mee, marí beseyupi. Cū yarā, cū caricaworicarā caroarā marí caāno puamerē bou, marí beseyupi. <sup>8</sup>Bairi ni ūcū atie jāā caátirotirijere cū caboeticōāta, camasocū ūcūrē cū baibotioū mee baiyami. Dios, mujāārē Espiritu Santore cajoricu majū puame roquere cū baibotioū átiyami.

<sup>9</sup>Apeye, ñubueri majā mena āmeo mairīqūrē macāājē puamerā capee mujāā yu caquetibujūwoatujopee mee niña. Merē Dios puame tocānacāpua mujāā āmeo maimasīō joroque mujāā ásupi. <sup>10</sup>Merē torea bairo nipetiro marí yarā ñubueri majā Macedonia yepa macāānarē caroaro na mujāā mai āninucūña. Bairi jāā yarā, nemojáñurō mujāā caāmeomaimasīrijē to āninemonutuo joroque mujāā caāto roque jāā bomajūcōāña.

<sup>11</sup>Caroaro yeri jōrō jāñurīpua ānicōā ninucūña. Aperā turipū patowācō ñesēāētīcōāña. Mujāā majūā mujāā yaye paarique mujāā cacūgorijere caroaro jīcārō tūni paacōā ninucūña mujāārē jāā caquetibuju cūrīcārōrēā bairo yua. <sup>12</sup>Tore bairo mujāā caátianimasīata, aperā caroaro nūcūbugorique mena mujāā ñnagarāma. Tunu bairoa dise ūnierē cabopacaena majū mujāā tuagarā, caroaro jīcārō tūni mujāā capaa ānimasīata yua.

#### El regreso del Señor

<sup>13</sup>Yu yarā, tūgopeoya: Cariacoatana Jesucristo yarā na cabairije macāājē cūrē mujāā camasīrō jāā boya. Tiere mujāā camasīēpata, aperā Diore catūgousaenarē bairo Jesucristo cū catunuatīpee mena mujāā tūgoñatutuacoteitibujorā. Bairi tiere mujāā camasīrō jāā boya. <sup>14</sup>Merē cariape Jesús riacoamicūā, tunu cū cacatiriquere marí masīña. Bairo

cariape camasirā marī caāmata,  
 “Jesure cū cacatoricarorea bairo,  
 cūrē tūgousari cariaricarā cūrē na  
 catiogumi Dios,” marī ī masīmajūcōāna.

<sup>15</sup>Bairi mujāārē atore bairo  
 jāā quetibujuya marī Quetiupau  
 cū caquetibujurotiro jūgori: Marī  
 Quetiupau nemo cū catunuatī rūmurē  
 mai marī, cacatiocōāna pūame,  
 cariaricarā jūgoye marī jeācoetigarā.

<sup>16</sup>Mai, cajūgoye jīcāū caroti ya  
 riserore marī tūgogarā. Jīcāū arcāngel\*  
 cū cabusurijere marī tūgogarā.

Tunu bairoa Dios yaro putiricaro  
 trompeta\* cūrē marī tūgogarā. Bairi  
 marī Quetiupau cūā cū majūpua  
 ūmurecōpui ruiatīgumi. Bairo cū  
 caruiatō yua, Jesucristore tūgousari  
 cariaricarā pūame catitunujūgogarāma.

<sup>17</sup>Bairo na cacatinemorō beropū  
 marī ti yūteare cacatiāna pūame  
 na jīcārō marī jeācogarā oco poari  
 watoapū yua. Bairo oco poapū áná,  
 marī Quetiupaure jōbuiṗ cū marī  
 bocágarā. Bairo marī Quetiupaure cū  
 bocáetari, cū mena tocānacā rūmua  
 marī ānicōā ninucūgarā. <sup>18</sup>Bairi mujāā  
 pūame atie jāā caquetibujurijere tūgori  
 tocānacāpua āmeo yerī űuo joroque  
 āmeo átinemoña.

**5** <sup>1</sup>Yū yarā, marī Quetiupau cū  
 catunuatīpee pūamerā, “Ti yūtea,  
 o cū muipū majū atīgumi,” mujāā  
 yū caīwoatujopee mee niña. <sup>2</sup>Merē  
 caroaro majū mujāā masiña: Marī  
 Quetiupau pūame, “Ti rūmū etagumi,”  
 caīmasiā mani rūmū majū tunu  
 etagumi. Jīcāū yajari majōcū űami  
 camasiā mano cū cayajau etarore bairo  
 camasiā mano etagumi ati yepapure.

<sup>3</sup>“Caroaro yerijōrō merē marī  
 ānicōāna. Ne űnie maniña,” camasā  
 na caīāno, caāno tūsaroa, na cayasipa  
 rūmū na etagarō. Carōmio bairi rupau  
 caācō, pūnaa cutigo, caāno tūsaroa

cō cawisiojūgorore bairo na etagarō.  
 Cō pūame cō capūnaa cutipeere dope  
 bairo rutimasīētīñamo. Torea bairo  
 dope bairo rutimasīētīgarāma na  
 cayasipee narē caetarijere.

<sup>4</sup>Yū yarā, mujāā pūame canaitiārōpū  
 caānarē bairo mujāā baietiya.  
 Bairi mujāārē, marī Quetiupau  
 cū catunuetari rūmū pūame yajari  
 majōcure eta acuoicarore bairo mujāā  
 camasiēto mujāā eta acuoetigarō.

<sup>5</sup>Nipetiro mujāā caroa macāājērē  
 caāna ānirī cabusuro macāāna  
 ūmureco macāānarē bairo caāna mujāā  
 āniña. Carorije macāājērē caātipairā,  
 űami canaitiārō macāānarē bairo  
 caāna mee marī āniña. <sup>6</sup>Bairi aperā  
 na cabainucūrōrē bairo masacatiēna  
 cabaicoteetiparā marī āniña.  
 Cacānirārē bairo baiēna, masacatiri  
 caroaro caātiānicoteparā marī āniña  
 marī Quetiupaure. <sup>7</sup>Camasā cacānirā  
 űamirē cāninucūñama. Aperā  
 caeticūmupainucūrā cūā űamirēā  
 eticūmunucūñama. <sup>8</sup>Marī pūame roque  
 cabusuro, ūmureco macāānarē bairo  
 caāna ānirī tocānacānia caroa macāājē  
 jetore caātiānicotenuciparā marī  
 āniña ti rūmū caetaparo jūgoye. Dios  
 mena marī catūgoñatutuarije, marī  
 caāmeomaimasirījē jūgori wātīrē marī  
 ēñotagarā. Soldau āpōā jutiro mena  
 cū rupaure jāñatori cū caānorēā bairo  
 marī cūā Dios marī cū canetōōpeere  
 caroaro marī ātiānicotegarā. <sup>9</sup>Mai,  
 marī, cūrē catūgousarā pūame, “Roro  
 popiye cabaiparā nigarāma,” ĩrī  
 cū cabesericarā mee marī āniña.  
 Marī Quetiupau Jesucristo jūgori  
 cū canetōjīatiparā majū roque marī  
 ānijūgoyupa. <sup>10</sup>Bairi Jesucristo  
 pūame marī yaye wapa jūgori  
 yucupāipū riayupī. Cacatirā, o  
 cariacōana nimirācūā, cū, Jesucristo  
 cū cacatinemorīcārōrēā bairo marī

cūā cū jīcārō marī cacatiānipeere boū, marī riabojayupi. <sup>11</sup>Bairi mujāā cūā tocānacāpua āmeo yeri űuo joroque, yeri tutuarā āmeo átīnemoña. Āmerē tore mujāā caāmeo átīāninucūrōrēā bairo āmeo átīcōā ninucūña.

### Pablo aconseja a los hermanos

<sup>12</sup>Yū yarā, apeyera atore bairo mujāārē jāā átīrotiya: Mujāā watoa capaāna, marī Quetiupau cū caborore bairo mujāārē caquetibujū jūgonucūrārē nūcūbugorique mena na iñaña. <sup>13</sup>Bairo mujāārē caroaro na cajuátīnemorō jūgori, na iroari butiro na maiña. Tocānacāpua āmeo asiaricaro mano caroaro yeri űurā ānicōā ninucūña.

<sup>14</sup>Tunu bairoa, yū yarā, atie cūārē mujāārē jāā átīrotiya: Capaagaena, cateeyepairārē tutuaro mena na quetibujūya. Aperā yapapuarārē bairo caāna cūārē yeri űuo joroque na ása. Tunu bairoa cayeri tūgoñatutuawēpūēna űna cūārē caroaro na juátīnemoña. Nipetiro camasārē pajutiricaro mano caroaro jīcārō tēni na quetibujūya.

<sup>15</sup>Tunu apeyera tūgomasiña: Ni űcū roro mujāārē cū caápata, mujāā puame cūā roro cū átīāmeticōāña. Atoe bairo puame ása: Tocānacāni jāñurīpua caroa macāājē puamerē na átīāmeña. Mujāā majū cūā tore bairo átiri, nipetiro camasā cūārē caroa wāme jatore na átīāninucūña.

<sup>16</sup>Tocānacā rūmua useanirō caroaro átīcōā ninucūña marī Quetiupau cū cañājoro. <sup>17</sup>Di rūmū rusaricaro mano tocānacānia Diore cū jēnicōā ninucūña. <sup>18</sup>“Dios, jāā mena mū űujāñuña,” qūī jēninucūña, nipetiro mujāā caátīānierē

īñarī yua. Jesucristore catūgousarā ānirī tore bairo mujāā caátīānipeere boyami Dios.

<sup>19</sup>Mujāā yeripū Espiritu Santo jūgori caroa wāme mujāā caátīnucūrījērē to yasio joroque āmeo āpericōāña.

<sup>20</sup>Tunu bairoa Dios na cū camasōrō jūgori caquetibujūnucūrā yaye quetire tūgoeteeticōāña. <sup>21</sup>Bairāpua, tūgoñamasirī caroaro tūgoña beseya na caquetibujūrijere. Caroa wāme na caquetibujūrije puamerē átīāña. <sup>22</sup>Tocānacā wāme carorije macāājērē jānarī tunu átīnemoeticōāña.

<sup>23</sup>Torecū, marī Pacū Dios marī yeri űuo joroque caācu puame caroarā űe űnie wapa cūgoena mujāā ānio joroque cū áparo. Mujāā rupau, mujāā yeri, mujāā camasacūtiānie nipetirore caroarā uguerī mánarē bairo mujāā cū áparo Dios, marī Quetiupau Jesucristo cū tunuatīparo jūgoye. <sup>24</sup>Mujāārē cabesericū cañuu majū niñami. Bairi nipetiro atiere cū cairīcārōrēā bairo átīmajūcōāgūmi.

### Saludos y bendición final

<sup>25</sup>Yū yarā, jāā cūārē Diopure jāā mujāā jēnibojanucūwā.

<sup>26</sup>Marī yarā nipetiro catūgousari majārē caroaro nūcūbugorique mena na bocári tocānacāpua āmeo jēninucūña.

<sup>27</sup>Bairi marī Quetiupau cū carotiro mena nipetiro marī yarā űubueri majārē mujāā yū jūgobue rotijoya ati carta mena yū caquetibujūwoatujorijere.

<sup>28</sup>Marī Quetiupau Jesucristo caroare mujāā cū jonemoáto mujāā nipetirore. Tocārōā niña atie queti yū cawoaturije.